

SEBASTIANVS MONSTERVVS THEOLOGVS ET MATHEMATICVS
Basiliensis.



Sebastianus natus est in oppido Rhenensi Ingelheim anno 1489. Is cū prima literarū fundamenta iecisset, sese ad Heydelbergensem academiā contulit, atq; ob ingenij perspicuitatem præclaram operam artibus & linguis nauauit. In primis uerò disciplinis Mathematicis, atq; Hebrææ linguæ diligentissimè incubuit, & in ijs adeò profecit, ut suo tempore in illis nulli secundus iudicaretur. Vt etiā commodius studijs uacare posset, sese monachorum Minoritarū collegio coniunxit, atq; huius mundi pompam neglexit. Verū postea cum Euangelij lux orta esset, eum ordinem reliquit, atq; Heydelbergam redijt. In ea schola cum sua eruditione omnibus do-

ctis innotesceret, unā cum Simone Grynæo Basileam uocatus, 1529 cōparuit, atq; Hebraicæ linguæ professor in ea Academia cōstitutus fuit. Postea quoq; Adami Petri defuncti Typographi, & de literis bene meriti, honestissimam uiduam uxorem duxit, atq; uitæ suæ integritate cunctis gratissimus fuit.